

يهلي بهن راكان بقبال وأقفات
الوجه مسفر والنواظر فضيات
سنة دلال من المهيل مليات
فنجالهن يغدي عن الراس دوخات
لا شف منهن شارب الكيف شفات
وتلقا المفارش بالرباع العذيات
تريحوا واركابكم مستريحات
في بيت أخو عشوى زبون الونيات
شيخ كريم ولا يهاب الخسارات
متلف حاله ما حسب للجنيحات
ماله شغل لكود قلط وقم هات
راكان عنوان الصخي والشهامات
نعم بأخو عشوى معشي المجيعات
يعطي جياذ الخيل وأيضاً الألوفات
شيخ مفاعيله طوال وعريضات
والنعم بأبو طراد عز القصيرات
راكان مثل الشط تأتيه حولات
شفت الصياني وصفهن تقل حلات
تلقا عليهن المشاكيل قلطات
كانه قليل قلوطنها حول ميّات
وصينيته يرجع بها الزاد لا بات
فعايله على النشاما عسيرات
ما هي كرامة واحد بالفضاوات
صدوق أمين ولا يبوب العهادات
ولا دار في ربه عوايز وهزعات
وأن جاه منيوب يدور العطيات
ما هو على الدنيا كثير الحسافات
أحلا من الشهد المصفى بكاسات
ممشاه عدل ولا يداني العواجات

عنده قراهن من سمان الجزايل
ما نقل هم الكيل يوم المكايل
مصروفهن ما هو لك الله قلايل
يشبه لدم الجوف يبيري العلايل
ينسى الهموم الحاضبة والهوايل
واللي تبونه جاهز بالكممايل
في بيت ريف الضيف عز النزايل
راكان زين الوانيات الهزايل
راكان بن مرشد حميد الخصايل
والنوق يذبح دقها والجلاليل
ويا ما عشاها من ردوم وحایل
الشيخ باعه دوم بالفعل طایل
الفراس المشهور جزل الفعايل
وعن الكثر والقل ما هو مسايل
شيخ لفعل الطيب والجود نايل
اللي يسوي للذبايح طوايل
تلقا عليه الناس نازل وشايل
يندا عليهن صافي الدهن سايل
تشبع بهن جيرانهم والعوايل
هذا الوكاد ويشهدون الحمايل
يلقا بطراف البيت مثل النشايل
ما نالهن هل اليدين البخايل
وأن ظيم ضاقت به جميع المحايل
ولا طاع مشورة خباث العمایل
ولا هو من اللي يفتقون الخلايل
يبشر بعزه من كثير الفضائل
يعطي ولا قصده يدور الجمایل
وأمر من العلقم إلى شاف عايل
عدله يعدل كل من كان مايل